

JIU-BAANG HATC NJAAUX/SIEMV/DISCIPLINE

I. JIU-BAANG HATC NJAAUX/SIEMV NYEI EIX LEIZ SE?

Yiem Aa^ndam caux Haawaa zoux liuz zuiz, “mouz dauh mienh zungv baamz zuiz, leih duqv Tin-Hungh nyei njang-laangc go.” (Lomaa 3:23). Weic Tin-Hungh nyei en, baamh mienh sienx Yesu Giduc cingx duqv njoux caux duqv siang ziangh maengc (Yo^han 3:16; Lomaa 10:9; 1 Ko^lin^to 5:17; E^fe^so 2:8-9). Mv baac sienx liuz Yesu, yiem naaiv baamh gen nyei ziangh hoc maaih ziex nyungc nduov yuoqc ganh zoux zuiz leih go Tin-Hungh caux hoic ganh nyei maengc. Jiu-baang Zuqc “Siemv” fai “Church Discipline” wuov joux waac nyei eix-leiz se gorngv, “Dorh mienh ei liepc daaih nyei leiz” naaiv joux waac nyei gorn se yiem “Sai-gorx” wuov joux waac cuotv daaih, sai-gorx se maaih eix-leiz gorngv hoqc linc, ei. Jiu-baang siemv nyei se yietc nyungc dongh ei Tin-Hungh liepc daaih weic dorh sienx ninh nyei mienh ei ninh liepc jiex nyei leiz. Se gorngv ei jienv Tin-Hungh njaaux nyei waac siemv nor zoux bun Tin-Hungh duqv njang-laangc, donv caux kuinx sienx nyei mienh goiv hnyouv, zoux duqv zingh ginx longx bun maiv sienx nyei mienh, yaac fioux Giduc nyei jiu-baang cing-nzengc

II. WEIC HAAIX NYUNGC QIEMX ZUQV MAAIH HATC NJAAUX/SIEMV YIEM JIU-BAANG?

Yesu Giduc nzaaux Jiu-baang weic zorqv jiu-baang fungx bun ninh ganh, benx njang-laangc nyei jiu-baang, maiv laih hlopv, maiv nyauc, maiv waaic fangx, mv baac cing-nzengc nyei, maiv lamh daanh dorngx nyei jiu-baang (E^fe^so 5:26-27) Jiu-baang siemv jiu-baang mienh se weic oix bun zuqv siemv wuov dauh goiv hnyouv benx cing-nzengc nyei mienh. Tin-Hungh longc Jiu-baang siemv weic oix maaih naaiv deix longx nyei sic cuotv daaih.

A. Muangx Ziouv nyei waac (Matv^tai 18:15; Gaa^laa^tia 6:1)

Tin-Hungh heuc jiu-baang zuqc siemv zoux zuiz nyei mienh yiem jiu-baang. Se gorngv ei jienv ninh nyei waac zoux biux mengh mbuo buoqc zangc ninh, taaih ninh, caux muangx ninh nyei waac.

B. Dorc Zoux Zuiz Mienh Nzuonx (Matv^tai 18:15; Gaa^laa^tia 6:1-5; Yaagorpc 5:19-20)

Weic zuqc zuiz mienh ganh haih ginv, maiv gunv jiu-baang siemv hatc njaaux fai kuinx, zuiz mienh maiv nzunc-nzunc goiv hnyouv nzuonx. Mv baac Tin-Hungh hiuv duqv gorngv jiu-baang siemv zuiz se bun qiangx zuiz mienh goiv hnyouv.)

C. Bun Jiu-baang Cing-nzengc

1. Cing-nzengc yiem mienh nyei maengc

a. Se gorngv jiu-baang maiv siemv zuiz, zoux bun mienh duqv daamv bungx langc nyei zoux zuiz. (1 Ko^{lin}to 5:1-8)

b. Se gorngv Jiu-baang siemv zuiz ziouc kuinx, donv caux dangv zoux zuiz nyei mienh haih simv nqoi zuiz, zoux cing nzengc, maiv zoux jienv zuiz mingh (Gong-Zoh 5:1-11; 1 Ti^{mo}tai 5:20; Gaa^{laa}tia 6:1)

2. Cing-Nzengc Nyei Doz Leiz (Tidatc 1:10-16; 3:9-11)

Mbuo oix zuqc bun Tin-Hungh goiv nzengc mbuo nyei hnyouv caux hnamv nyei jauv, duqv siang nyungc zeiv (Lomaa 12:2) Yietc nyungc haih tengx goiv se jiu-baang siemv zoux zuiz nyei mienh.

3. Cing-Nzengc Nyei Zingh ginx (Lomaa 2:23-24)

Jiu-baang, sienx Yesu nyei mienh maiv wangc siangx, maiv henv, mau, maiv maaih nyungc zeiv longx weic zuiz yiem jiu-baang, mbuo zoux nyei sic bun maiv sienx nyei mienh ki Tin-Hungh.

4. Cing-Nzengc Nyei Jiu-tong doic (1 Yo^{han} 1:6-7; Lugaa 11:17)

Siemv zuiz fai zorqv zoux zuiz nyei mienh cuotv liuz cingx daaih haih maaih zien jiu-tong caux Tin-Hungh aengx caux maaih ei Ging-sou nyei jiu-tong caux dongh diuc hnyouv.

III. OIX ZUQC HATC NJAAUX FAI SIEMV HAAIX DAUH?

Nyiemc sienx Yesu nyei mienh fai “ndaam mengh zoux sienx Yesu nyei mienh” (1 Ko^{lin}to 5:11) dongh zoux jienv zuiz mingh nyei mienh, jiu-baang horpc zuqc siemv (1 Ko^{lin}to 5:1-13; Gaa^{laa}tia 6:1-5; Matv^{tai} 18:15; Lugaa 17:3). Weic zuqc Tin-Hungh se Cing-nzengc, Yiem mbuo sienx ninh nyei mienh zoux nyei nyungc-nyungc sic oix zuqc hngang ninh nor cing-nzengc. (1 Bide 1:13-16)

Ging-Sou mengh nyei gorngv taux naaiv nyei se:

1. Jiu-baang mienh gox “Se gorngv haaix dauh jiu-baang nyei mienh gox zanc-zanc baamz zuiz”, maaih i buo dauh zorng-zengx mienh, oix zuqc dorng jienv zuangx jiu-baang gorngv ninh weic bun zuangx mineh gamh nziex.” (1 Ti^{mo}tai 5:19-20)
2. Jiu-baang gorx-youz zoux zuiz dorngc meih. Se gorngv gorx-youz zoux dorngc meih...bingx jienv mingh mbuox ninh...se gorngv ninh maiv muangx nor... lorz jienv mienh mingh zoux zorng-zengx...corc maiv muangx nor mbuox jiu-baang...maiv muangx jiu-baang fai corc maiv nyiemc zuiz nor, zunc cuotv jiu-baang, maiv bun caux jiu-baang mienh jiu-tong. (Matv^{tai} 18:15-20)

3. bun zuiz gunv nyei mienh/morh linc nyei mienh. Yiem Gaa^{laa}tia 6:1, Naaiv nyungc mienh zoux zuiz mv baac maiv zeix zanc-zanc zoux jiev mingh nyei zuiz. Naaiv nyungc mienh qiemx zuqc gorx-youz tengx orn caux tengx ninh gan longx Tin-Hungh. Mangc hnavv haaix nor tengx naaiv nyungc gorx-youz yiem E^{fe}so 4:12 caux 1 Te^{saa}loⁿⁱgaa 3:10)
4. Siensex pien Ging-sou nyei gorx-youz, yiem naaiv yiemc ging-sou lengc jeiv nyei gorngv taux lueic maiv zoux gong yaac maiv gan njaaux nyei leiz laic duqv Tin-Hungh taux siepv ziouc maiv zoux yietc nyungc. Se gorngv ninh mbuo lueic maiv zoux gong oix zuqc simv nqoi caux maiv bun ninh mbuo nyanc hnaangx.” (2 Te^{saa}loⁿⁱgaa 3:6)
5. Zunh jaav doz leiz nyei mienh, Hiuv duqv zien nyei mv baac baac baac njaaux pien, njaaux ei mienh oix muangx nyei, njaaux maiv horpc zuqc njaaux nyei liez. Oix zuqc siemv naaiv nyungc mienh weic bun sienx Giduc nyei mienh haih sienx wuonv zien leiz (Tidatc 1:10-16)
6. Ceux Lunc zoux bun jiu-baang bun nqoi nyei mienh, kuinx i nzunc liuz corc maiv goiv hnyouv, maiv dungx mingh coiv ninh aqv (Tidatc 3:8-11). Lomaa 16:17 mv baac njaaux fih hnavv nyei “nduov mienh bun nqoi wuov nyungc mienh oix zuqc simv nqoi...”
7. Maiv luonx horngc nyei jiu-baang mienh. Yiem naaiv zang ging-sou zoux nyei zuiz biangx yaangc cuotv daaih aqv, zuqc zorqv cuotv jiu-baang fungx bun Saadaan (1 Ko^{lin}to 5:1-13)

IV. HAAIX DAUH HORPC ZUQC JIEX GORN HEUC JIU-BAANG HATC NJAAUX FAI SIEMV ZUIZ?

Haaix dauh jiu-baang mienh hiuv duqv ganh dauh jiu-baang mienh zoux zuiz, ninh horpc zuqc mingh kuinx zoux dorngc zuiz wuov dauh jiu-baang mienh. Maiv gunv gorngv wuov dauh jiu-baang maiv zeix zoux doic-dekc ninh, mv baac zoux nyei zuiz mv daaih hoic zuqc yietc zungv jiu-baang caux dorngc Tin-Hungh. (Matv^{tai} 18:15; Gaa^{laa}tia 6:1; Lugaa 17:3; Singx Nzung 51:4)

V. HNANGV HAAIX NOR HATC NJAAUX FAI SIEMV?

A. Siemv nyei mienh nyei fiem-fingx

Mbuo maiv horpc zuqc mingh kuinx/donv/siemv/gorngv taux ganh dauh mienh zoux nyei zuiz zuov tauv mbuo maaih naaiv nyungc fiem-fingx.

1. Maaih hnyouv Nyiemc ganh zoux faix, suonc zingh suonc eix (Gaa^{laa}tia 6:1; Ko^{lo}si 3:12-13)
2. Maaih hnyouv hnamv, weic oix ninh mbuo zoux kuv sic (2 Te^{saa}loⁿⁱgaa 3:9-15)
3. Baengh fim nyei hnyouv, maiv mangc haaix dauh mienh nyei hmien (1 Ti^{mo}tai 5:19-21)

4. Oix zuqc zaah ganh nyei maengc, oix zuqc bun Sing-lingh gunv jienv, mbuo maiv haih tengx gorx-youz ban cuotv la'fapv se gorngv ganh nyei m'zing maaih nqanx ndiangx. (Mat[^]tai 7:1-5; Gaa[^]laa[^]tia 6:1; 2 Ti[^]mo[^]tai 4:2)
5. Souv wuonv caux doic-dekc zuiz, Siensex wuonv zien doz (Tidate 1:13)
6. Maaih hnyouv guangc mienh nyei zuiz se gorngv zoux zuiz wuov dauh jiu-baang mienh nyiemc zuiz. (2 Ko[^]lin[^]to 2:5-11)

B. Hatc Njaaux caux Siemv zuiz nyei ziangh hoc zoux nyei sic

1. Bingx jienv mingh mbuox zoux dorngx zuiz nyei gorx-youz (Mat[^]tai 18:15)
Se gorngv ninh maiv nyiemc zuiz goiv hnyouv nor...
2. Lorz jienv i dauh buo dauh zorng-zengx mienh mingh kuinx ninh mbuox ninh taux ninh zoux nyei zuiz. (Nzame Leiz Latc 19:15; 1 Ti[^]mo[^]tai 5:19; Matv[^]tai 18:16; 2 Ko[^]lin[^]to 13:1)
 - a). porv mengh baeqc taux ninh nyei zuiz, corc maiv kangv nyiemc/guangc zuiz
 - b). Mbuox ninh taux ninh nyei zuiz, yaac biux mengh gorngv mbuox ninh jiu-baang maiv guangc ninh zoux nyei, se gorngv ninh maiv guangc caux nyiemc nor.
 - c). Bun qiangx zorng-zengx mienh kuinx ninh

VI. IF HE/SHE FAILS TO REPENT...SE GORNGV NINH MAIV MUANGX YAAC MAIV NYIEMC CAUX GUANGC ZUIZ NOR...

A. Mat[^]tai 18:17 Mbuox nzengc Jiu-baang Mienh

1. Mbuox jiu-baang taux ninh nyei zuiz
2. Porv mengh ninh nyei zuiz
3. Bun Qiangx Jiu-baang mienh mingh kuinx
4. Mbenc Jiu-baang zorqv ninh cuotv jiu-baang

B. Zorqv cuotv Jiu-baang (Mat[^]tai 18:17; 2 Ko[^]lin[^]to 5:11; 2 Yo[^]han 11; 2 Te[^]saa[^]lo[^]ni[^]ga 3:15)

Jiu-baang mienh siemv zoux zuiz nyei mienh, se zorqv cuotv jiu-baang maiv caux jiu-tong, maiv caux, jiu-baang yaac maiv goux taux naic dauh mienh. Jiu-baang mienh maiv horpc caux naic dauh mienh. Zuqc zorqv cuotv jiu-baang nyei mienh se hngv maiv benx sienx Giduc nyei mienh norn (Mat[^]tai 18:17) Yaac maiv nyauv taux jiu-baang, jiu-baang yaac maiv zuqc kuonx hnyouv caux goux ninh nyei lingh wuonh. (1 Ko[^]lin[^]to 5:5). Maaih duqc nyungc jauv caux ninh jiu-tong se weic oix kuinx ninh goiv hnyouv guangc zuiz hngv.

VII. IF HE/SHE REPENT....SE GORNGV NINH NYIEMC CAUX GUANGC ZUIZ NOR...

A. Guangc ninh nyei zuiz (Lugaa 17:34; Mat[^]tai 18:22; E[^]fe[^]so 4:32)

1. Da'yietv, maiv gunv gorngv zoux zuiz wuov dauh mienh maiv guangc/nyiemc zuiz, sienx Giduc mienh maiv horpc zuqc maaih hnyouv im fai maiv guangc mienh nyei zuiz nyei fiem-fingx.
2. Da'nyeic, Se gorngv ninh nyiemc zuiz yaac guangc zuiz, jiu-baang oix zuqc gorngv cuotv daaih mbuox ninh gorngv "yie mbuo guangc meih nyei zuiz")
3. Zanc-zanc guangc jienv zuiz mingh, maiv dungx dorh daaih gorngv jangx. (Matv[^]tai18:22)

B. Orn ninh nyei hnyouv (Gaa[^]laa[^]tia 6:1; 2 Ko[^]lin[^]to 2:5-11)

1. Caux ninh jiu-tong se gorngv ninh ei jienv ging-sou nyiemc zuiz. Jiu-baang oix zuqc orn nyiemc liuz zuiz wuov dauh gorx-youz. Oix zuqc mbuox ninh bun ninh hiuv duqv jiu-baang mienh hnamv ninh nyei. Se gorngv maiv caux ninh jiu-tong haih zoux bun ninh nzauh camv, se gorngv maiv caux ninh jiu-tong dorh ninh nzuonx jiu-baang haih koi ziangh hoc bun Mienv nyei hungh nduov (2 Ko[^]lin[^]to 5:11)
2. Zoux Tin-Hungh nyei gong, dauh dauh Giduc mienh horpc maaih ninh ganh nyei buonc gong zoux ei ninh nyei sienx fim. Oix zuqc faix fim nyei maiv dungx la'guaih orn mienh zoux dorh jiu-baang fai dorh mienh. Se gorngv zoux zuiz nyei gorx-youz nyiemc zuiz liuz mv baac oix zuqc fai fim maiv dungx paaiv gong bun ninh, cuotv liuz seix mangc gaax ninh gengh goiv yienc yaac ziepc zuoqc nyei gan longx Tin-Hungh (1 Ti[^]mo[^]tai 3:10; 5:22)

VIII. CONCLUSION/NZUTV NORZ WAAC: Ih jaax nyei jiu-baang mau, butv baengc, maiv henv, weic zuqc bun zuiz morh linc. Meih duqv doqc, duqv hoqc, duqv hiuv liuz Ging-Sou hnavg haaix nor njaux taux siemv zuiz yiem jiu-baang nyei jauv liuz, meih zuqc ei jienv zoux